



**Instrvctio R. P. Bartholomæi Riccii Societatis Iesv
Theologi De Modo Recte Meditandi De Rebvs Divinis**

Ricci, Bartolomeo

Mogvntiæ, 1605

4 De vsu memoriæ circa facta.

[urn:nbn:de:hbz:466:1-59608](#)

De Vſu memoriae circa facta.

C A P. IV.

IN hoc capite ero breuis, quia ex ante-
gressis documentis de personis & Verbis
datis, facile potest intelligi modus, quo
procedendum sit circa facta. Duo nihilo-
minus subiiciam exempla. Primum, si me-
diteris quam pio affectu saluator in horro
complexus sit Iudam proditorem, uti pro-
babilie est, poteris in mentem reuocare,
quanto affectu bonus ille Pater filium pro-
digum antea fuerit complexus. Secundo,
si mediteris de dura & diuturna morte Chri-
sti Domini in cruce, poteris in memoriam
reducere, quam breuis & lenis mors fuerit
S. Ioannis Baptistæ, cum capite multare-
tur. Idem facere poteris discurrendo
per omnes circumstantias ante
nominatas.

TRA.